

OSB Engineering & IT,  
71000 Sarajevo,  
Bosnia and Herzegovina

Haris Hodžić  
72290 Novi Travnik  
Tel. +387 62 917943

## **Prijava na poziciju: Junior Front-End Developer**

Poštovani,

Prijavljujem se na oglas za Junior Front-End Developer koji sam vidio na Posao.ba stranici. Vaša kompanija je jedna od najuspješnijih u Bosni i Hercegovini, a dopada mi se i odnos među uposlenima, kao i mogućnost napredovanja i daljeg usavršavanja kojeg vaša kompanija omogućava te smatram da bi za mene bilo najbolje da svoju profesionalnu karijeru započnem upravo u vašoj kompaniji.

Ja sam student Internacionalnog Univerziteta u Travniku, Elektrotehnički fakultet, smjer računarstvo i informatika. Prije toga završio sam Opću gimnaziju u Travniku (MSŠ Travnik) te sam bio jedan od učenika generacije. Trenutno sam treća godina Elektrotehničkog fakulteta. Do kraja Juna ove godine trebao bih steći zvanje diplomiranog inženjera Elektrotehnike. Mimo obaveza na fakultetu dosta vremena provodim na samo-edukaciju kako bih pratio korak s današnjim standardima programiranja. Prvu godinu završio sam uspješno s prosjekom 8,5 dok sam u drugoj uspio ostvariti prosjek 8,9.

Kako bih stekao što više iskustva prije početka radnog odnosa imao sam priliku raditi na dva projekta koja sam uradio samostalno. Radi se od web stranicama (Fast Food i Auto škola). Koristio sam web tehnologije HTML, CSS i JS. Od ostalih alata koristio sam SQL Server Managment studio kako bih napravio Bazu u kojoj će se smještati podaci poslani od strane korisnika i sve sam uvezao preko alata Visual Studio.

Nivo znanja iz web tehnologija HTML/CSS je na naprednom nivou, pored osnovnih tagova koji postoje, poznajem i framework Bootstrap kako bi stranica bila responzivna kako za mobitele tako i za laptope i desktope. Što se tiče Javascripta kako sam upoznat s C++ i objektno orijentisanim programiranjem, taj dio mi je poprilično jasan. Naravno logiku rješavanja problema ću graditi tokom cijele karijere tako da ne mogu precizno reci koliko toga znam. Upoznat sam s jQueryem, Vanilom na početničkom nivou tj. poznato mi je kako „dohvaćati“ željene elemente te ih animirati i učiniti funkcionalnijim. C++ poznajem do pokazivača uključujući i njih (prateći skriptu prof.dr.Željka Jurišića) i imam želju nastaviti i naučiti još više o tom veoma moćnom programskom jeziku. Photoshop mi je poznat u mjeri koja mi je do sada bila korisna tj. početnički nivo.

SQL Maenagement studio poznajem toliko da mogu napraviti tabele, uvezati ih, napisati procedure za insert, update, delete te napraviti querije za dohvaćanje određenih podataka iz jedne ili više tabela. Što se tiče ASP.NET –a pratio sam predavanja s FIT-a iz Mostara i uspio sam povezati svoje dvije web stranice s bazom podataka uz pomoć toga, ali i to bih okarakterisao kao početnički nivo.

Željan sam rada u realnom sektoru i na konkretnim projektima kako bih dobio još veću motivaciju za daljim napredovanjem i samo-educiranjem. Za sebe mogu reći da sam ambiciozna, svestrana, komunikativna, moralna i vrijedna osoba što mogu potvrditi dosadašnji rezultati tokom mog školovanja. Mislim da bih u potpunosti opravdao vaša očekivanja, odgovoran sam i obavljam svoja zaduženja tačno i u roku, inovativan, perspektivan i kooperativan te spreman

prihvatiti sve sugestije u cjelosti radi postizanja zajedničkih interesa. Iskreno se nadam da ćete prepoznati potencijal i želju za radom i učenjem u mladoj osobi, te omogućiti stjecanje kvalitetnog znanja i vještina koje vaša kompanija posjeduje.

Hvala vam za Vaše vrijeme koje ste izdvojili kako biste pročitali ovo motivaciono pismo. Iskreno se nadam kako ćete mi dati šansu da napredujem i naučim još mnogo više na obostranu korist i zadovoljstvo.

S poštovanjem,

Haris Hodžić